

A N  
 PUERI CAPITIS  
 È TRUNCO DIVULSI,  
 ET IN UTERO RETENTI,  
 NATURÆ VIRIBUS  
 EXPULSIO COMMITTENDA?  
 THESES CHIRURGICÆ;

QUAS DEO JUVANTE & Præside M. GUILLELMO  
 LUDOVICO PIET, Antiquo Scholarum Præposito, Regiæ  
 Chirurgorum Academia Consiliario, necnon agrè parturientibus  
 egenis à Rege Adjutore constituto, tueri conabitur PETRUS  
 MAUGRAS, Augustodunensis, Artium Liberalium in almâ  
 Universitate Parisiensi Magister, Theseos Auctor.

Die Martis primâ Mensis Septembris anno Salutis 1778;  
 à sesqui-secundâ post meridiem ad septimam.

IN REGIIS CHIRURGORUM SCHOLIS.  
 PRO ACTU PUBLICO  
 ET  
 MAGISTERII LAUREA.



PARISIIS,  
 Typis MICHAELIS LAMBERT, Regii Chirurgiæ Collegii  
 necnon Academiae Typographi, viâ Cithareâ.

---

M. DCC. LXXVIII.





A M

PUBERII GABRIELIS

FRANCISCO DIVULGAT

ET IN THEATRO A. L. L. L.

NATURALIS VIRIUS

EXTRACTIO GABRIELIS

FRANCISCO DIVULGAT

ET IN THEATRO A. L. L. L.

NATURALIS VIRIUS

EXTRACTIO GABRIELIS

FRANCISCO DIVULGAT

ET IN THEATRO A. L. L. L.

NATURALIS VIRIUS

EXTRACTIO GABRIELIS

FRANCISCO DIVULGAT

ET IN THEATRO A. L. L. L.

NATURALIS VIRIUS

EXTRACTIO GABRIELIS


FRANCISCO DIVULGAT

ET IN THEATRO A. L. L. L.

NATURALIS VIRIUS

EXTRACTIO GABRIELIS





D. O. M.  
THESES CHIRURGICÆ.

*An Pueri capitis è trunco divulsi, et in utero retenti, natura viribus  
Expulsio committenda ?*

**I**NFANTEM inter obstericandum capite detruncare infestum  
sanè opus. Rarum quidem tetrum hoc spectaculum, attamen  
non satis infrequens: quâcumque de causâ ut ex utero excutiat  
fœtus, pedes arripiendi fuerit necessitas, facile semper absolven-  
dum ne existimes; quandòque contremiscit expertus, si præfer-  
tim primâ vice paritura sit mulier, se verò optatam tacturum  
metam gloriatur insolens; ad opus se accingit, impavidus; trun-  
cum collo-tenùs adducit majori minorive negotio; at caput foras  
extrudere, sæpè sapiùs hoc opus hic labor: vel obstitit perversus  
 situs, vel nimia moles, vel pelvis angustia, vel denique cautela de-  
fectus (1); futuram tempestatem non præfagiens vires adhibet,

(1) De his cautelis quæ expertum non fugiunt, in quibus verò indor-  
miunt plerumque tirones & inscii, dicere non est locus.



sed frustra, hæret immobile caput; repagula perfringereacerri-  
mè obstat animo, nervosque omnes contendit, nil frugis dant  
nisus inanes, nil progreditur detentum caput; pertinacior fit,  
& jam violenti cedunt tractui vertebræ cervicales, luxantur, & à  
se invicem discedunt, elongatur colli cutis, & denique avelli-  
tur corpus, distractumque caput in utero remanet. Quid in tam  
luctifico eventu tentandum, quid Chirurgo superest agendum?

## I I.

Si veterum scripta consulueris, nullum ad rem pertinens se  
offeret consilium; nil mirum: infantem pedibus apprehensis educi  
posse perpauci inter veteres suspicabantur, indèque fatalem hunc  
casum, cui sola per pedes fœtûs extractio ansam præbet, præ-  
videre non potuerunt. Unus ferè ex antiquis scriptoribus puerum  
in pedes conversum extrahi posse docuit Celsus, unus quoque  
capitis distracti meminit; & quid agendum *ut Caput ad os vulvæ  
compellatur* definit. At quod affert consilium (1), etsi inter neo-  
tericos quidam laudavit inconsultè, nos absonum esse cense-  
mus. Quid enim proficient valentis hominis suprâ imum ventrem  
compressiones? Judicent in arte obstetriciâ experti.

## I I I.

INTER recentiores, idest prioris ævi Auctores, nonnulli de  
capite in utero relicto dixerunt, & varia varii proposuere me-  
dia; hi solam manûs opem suadent; fascias & fundas adhibent  
alii; rete quoddam sericum quod correxit Valdegrave, invenit  
Amand; alii machinas ferreas diversi figuræ & usûs fabrefece-  
runt; perfosso cranio cerebrum effundebant alii, sicque depres-  
sum & minutum caput, faciliùs extrahendum censebant; alii  
denique & ferè omnes ad uncinum confugiebant. Quoniam au-  
tem experienciâ constitit, rarissimè manu solâ maturi fœtûs  
caput ex utero educi posse, & fascias retiaque, speculationis  
feturas, caduca esse instrumenta; quoniam uncis, & aliis Machi-

---

(1) Celsi opera Cap. 29, *quâ ratione partus mortuus ex utero excutiat.*



nis adhibitis, frustra sudarunt plures; his perpensis, omnes ferè corporis extranei expulsionem naturæ committendam esse demùm confitebantur (1).

## I V.

SI ad neotericos spectes, perpauci vi educendum existimant caput in utero retentum; plerique machinas & instrumenta respuunt, & perspicaciores naturæ virium æstimatores, illius curæ rem demandant: sic in publicis prælectionibus suadebat Cel. M. Puzos; sic quoque Cel. M. Barbaut, qui & in scriptis varia affert exempla, quæ testantur hanc praxim pluries feliciter successisse; sic in privatis Scholis docet artis decus Cel. M. Levret; sic tum in publicis, tum in privatis prælectionibus Cel. M. Deleurye, qui quoque suam experienciâ fulcit sententiam; sic Cel. M. Thevenot, plurimis in hoc sensu firmior exemplis; sic denique Ill. M. Levret imitator & alumnus Cel. M. Piet, hujusce actûs præses, qui pluries in expellendo capite Naturæ solertiam miratus, indè oblatâ occasione, de committendâ soli Naturæ pueri capitis expulsionem, coram Regiâ Chirurgorum Academiâ differuit an. 1769. Consentiunt ergò omnes; at quâ ratione, quibus fundamentis nititur hæc opinio? Quod dilucidare fert animus.

## V.

EXULANT non immeritò insulsæ veterum machinæ, aliaque à nuperis procusa instrumenta; unus proponitur uncus; at quod in hujus usu periculi unâ voce conclamant omnes. Hunc solemniter abegit Viardel, illi non sine causâ suam Capiti-traham subrogavit Mauriceau, uncum ejuravit Lamotte, periculosiorem esse asserit Smellie; neque tuti satis, neque facilè applicantur (unci), inquit Roederer, sed labentes parturientem lædunt; vaginulam unco addidit, ob metum dilacerationis, jam laudatus Excel. M. Levret; uno verbo unicuique terrorem inji-

---

(1) Vide Viardel, Mauriceau, Peu, Lamotte, & alios.



tit ferrea hæc machina, fatenturque omnes, licet à solerti & expertissimo actam, nocivam quandoque, imò & sæpe lethiferam esse posse. Præterea nonne multoties in casu de quo agitur, incassum fuit adhibitus uncus? Libros evolve, non terque quaterque, sed centies & à pluribus per alternas vices sibi succedentibus frustrà injecto, ab incæpto decedere fuit necessitas; vel si aliquoties iteratis unci immisionibus, immensoque labore & sudore, tandem excussum fuit caput, pudendum, vagina, uterus, contusa, inflammata, imò dilacerata putruerunt; & misera torminibus exhausta, viribusque prostrata, vitam cum morte commutavit; testes sunt, eheu! plurimi.

## V I.

Ast, inquires, quidquid id est, uncus superest una in tanto discrimine salutis anchora; cautè injiciendus. Allucinaris, in hunc errorem insurgunt & ratio & experientia. A naturâ solâ foràs eliminandum esse caput detruncatum suadet ratio; certè, si nondum maturus sit fœtus, indèque caput oppidò pusillum, illud minori negotio evomet uterus, facilè intelligitur: at si fuerit infans novimestris & capito, quâ de ratione non expelleretur corpus exterum. Diversimodè in uteri cavo situm jacere potest caput; namque vel sese offert ponè uteri orificium sinciput, vel occiput, vel mentum, vel cranii basis, vel vertex, vel denique alterutrum latus. Si obviàm sint vel sinciput vel occiput, vel mentum, victrix haud dubiè erit Natura; quoties enim primæ in partu sese offerunt hæc capitis partes, nihilominus tamen, iteratis uteri contractionibus, fit partus naturalis; si verò sint obviàm cranii basis, aut vertex, aut è lateribus unum, difficilior erit ejectio, attamen si vim uteri contractilem respicias, nulla tibi supererit sollicitudo; namque per aliquot horas, plus minusve, non rarò per diem unum, vel duos, vel etiam tres, opus suum molitur uterus; sese coarctando & in contentum corpus agendo, illud urget undequaque, & demùm ad meliorem ac-



commodat situm; tunc quâ eminenter pollent fibræ virtutem contractilem adhibentes, in corpus ejiciendum impingunt, & denique deturbant. Nihil extranei retinet uterus, naturâ suâ inclusum quodcumque adigit, & ad expellendum nititur; quantum autem sit uteri fibrarum robur, quanta energia nemo nescit; præterea, & si fuerat vastum pueri caput, vacuatis vasis, & omnis generis humoribus effusis, minuitur ejus crassities, & facilius evadit expulsio; aliundè lapsu temporis mollescens, & ductile ut itâ dicam factum, pelvis diametro fit aptius.

## V I I.

Quod meræ excogitationis argumentum ne existimes, multiplici constat experientiâ; quoties enim frustrâ adhibitis mille machinationum speciebus, caput distractum in utero deferere coactus fuit Chirurgus, quod dum abesset expulit Natura (1). Uno verbo si scriptores legas, tibi palâm erit aut cruciatibus fractam mulierem brevi occubuisse, aut si fuit superstes, numquam in re suâ defidem fuisse Naturam, & dejectum toties fuisse caput; quid amplius? At objicies, nonne formidolosa possunt stipare symptomata? supervenient forsân vel lethalis hæmorrhagia, vel convulsiones; aliundè pelvis aut mendosa, aut angustior, sive absolutè, sive ratione nimix capitis molis, spe omni decidere coget: præterea nonne in tali cunctatione multum imminet periculi, os uterî obseratum viam exituro capiti occludet; insuper è putrido fragmine emanabunt miasmata, quæ sorpta exitum ferent.

## V I I I.

Quæ omnia singulatim & obiter perpendamus necesse est. Si immineant accidentia, si urgeant hæmorrhagia, convulsiones, &c. tunc sit axioma: extrema extremis. Notandum autem mille exempla capitis distracti & in utero retenti varios auctores attulisse, at tamen inter eos nullus hæmorrhagiæ, nec convulsionum,

---

(1) Vide Auctores jam citatos, insuper Smellie & acta Reg. Chirurg. Acad. Tom. IV.



nec alterius cujuslibet mali concomitantis, meminit; indèque conjicere fas sit gratuitum esse hunc pavorem. Si mendosa pelvis exituro capiti obstet, vel si amplius caput, tunc quoque cunctari beneficium, opem feret Natura; uteri contractionibus trusum caput inter ossa pelvis elabetur successu temporis, ibique impactum si sit & incuneatum forcipe extrahatur. Times ne occludatur os uteri; dum supererit in hujus cavo exterum qualecumque, hiulcum tenaciter remansurum constat: tribus, imò quatuor post partum elapsis horis, si dextram in uterum immittere ob coacti sanguinis copiam, aut placentam nondum expulsam, necesse sit, patere orificium testantur omnes: exulet ergo lymphatus hic terror. Denique quoad putridorum emanationem miasmatum, biduo vel triduo, ut jam dictum, caput pueri in utero remansisse extant exempla mille, nulla tamen facta fuit ab uteri vasis forbitio, neque funesti quidquam est consecutum, hinc liceat dubitare an ita fieri possit; futuram appellamus experientiam. His itaque positis, quid vetat concludere?

*Ergo pueri Capitis è trunco divulsi, & in utero retenti, Natura viribus Expulsio committenda.*

**FINIS.**